

靈寶領教濟度金書卷之二百八

洞微高士開光救苦真人寡全真授

靈寶通玄弘教水南先生林靈真編

科儀立成品遷拔道場用

宿啓儀

空五

九

燒香頌

空五

各禮師存念如法

衛靈

東方

九炁青天明星大尊位照東鄉洞映九門
轉燭陽光掃穢除氛開明童子號曰玄卿。
備衛我軒上對帝君收魔束杖討捕凶群
奉承正道赤書玉文九天符命攝龍驛傳
普天安鎮我得飛仙

南方

三炁丹天煥景淳光熒星轉燭洞照太陽
上有赤精合契虛皇開明靈童號曰華芳
總統火兵備守王堂斬邪束杖剪截魔王
此帝所承風火莫當流鈴交換胡衛壇場
正道流行教有猖狂我享上功坐運魁罡

億劫長存保天無疆

西方

七炁素天太白流精光耀金門洞照太冥
中有素皇號曰帝靈保神安鎮衛我身形
斷絕邪源王道正明宮殿整肅三景齊昇
道合自然飛昇紫庭靈寶符命普惠萬生
元皇正炁來合我身功加一切天地咸寧

北方

五炁玄天元始徘徊辰星爍爍光耀太微
黑靈尊神號曰層威統冠飛天仙裙羽衣
備衛五門檢精捕非敢有干試豁落斬權
玉符所告神鎮八威邪門閉塞正道明開
映照我身三光洞輝築空駕浮舉形仙飛

中央

一炁黃天調理乾坤陶鎔陰陽總統玄真
鎮星吐輝流煥九天開明童子號曰天璘
元炁陽精焰上朱煙洞照天下及臣等身
百邪摧落殺鬼萬千中山神呪普天使然
五靈安鎮身飛上仙與道合真

鳴法鼓二十四通

无上三天玄元始三炁太上道君太上老君
召出臣等身中三五功曹左右官使者侍香
金童傳言散花玉女五帝直符直日香官各
三十六人出出者嚴裝關啓玄壇天帝神君
當召此間土地里域真官正神急上關啓臣
今奉爲入齋意以今宿啓告齋願得
玉清道炁靈寶妙光下降流入臣等身中令
臣所啓之誠速達徑御
太上无極大道至真玉皇上帝御前
請稱法位
具位奉行遷拔道場法事小兆臣某與臨壇
官衆等今故燒香願以是功德上爲
天子王侯土地官長經籍度師及山林巖棲
學真道士同學之人九親門族天下人民蜎
飛奮勳一切衆生今故燒香皈身皈神皈命
空五
无上至真三寶虛元大道乞丐原赦前生今
世生死罪過得免離三惡之道五苦八難九
厄之中臣等身得道真飛行虛空白日升天
侍衛道君逍遙无上七寶自然宮殿永與道
合所啓玄感應聲上御

至真無極道前

禮方 坐懺

臣法衆等志心皈身皈神皈命
十方無極太上靈寶天尊懺悔修齋弟子某
及臣等自從曠劫以來至于今日或身業所
犯四肢舉措動違戒律不依經典或心業所
犯志意不專情浮意動馳騁不息或口業所
犯善惡反論綺言飾非華辭惑衆因今懺悔

又 大道洞玄虛 有念無不契 鍊質入仙真
遂成金剛體 超度三界難 地獄五苦解
悉歸太上經 靜念稽首禮

三禮

臣等志心稽首禮

太上無極大道

臣等志心稽首禮

三十六部尊經

臣等志心稽首禮

玄中大法師

重稱法位

具位臣某與臨壇官衆等謹重誠上啓

虛无自然元始天尊太上道君太上老君元
上玄老十方已得道大聖衆至真諸君丈人

東華南極西靈北真玄都玉京金闕七寶瓊

臺紫微上宮靈寶至真明皇道君三十六部

尊經玄中大法師上相上宰上保上傳太平

下教二十四真人西城總真王君太乙真人

東嶽上卿司命茅君定錄保命二真人名山

樂法以爲妻 愛經如珠玉 持戒制六情
念道造所欲 滄泊正氣停 蕭然神靜默
天魔並敬護 世世享大福

又

鬱鬱家國盛 濟濟經道興 天人同其願
縹渺入大乘 因心立福田 麋麋法輪昇
七祖生天堂 我身白日騰

洞府得道神仙三界官屬一切真靈臣等緣
藉福基慶諧道運九清風檢荷玄妙以天開
三洞龍章啓希夷而帝錫莫息林巒之影懸
汚朝市之塵十善悠悠百非衆衆玄班緩武
踐復盡贊於神功紫禁承顏獻納宜熙於聖
澤凡有投告敢不願聞齋主心詞謹當宣奏

宣詞

按如詞首備露忱恂臣等差穀齋明夷心淪
念恭依藥笈式御芝圖法天象地而瑤陛三
成呼陰召陽而琅音九奏蘭煙縹渺鄉雲騰
百和之香蓮炬熒煌寶月燦千枝之麗自今
月某日爲始轉經行道燒香散花請命紫虛
皈神玄極祈天光而下映慧日流明開地暗
以高躋業煙波散俾亡故甚返還祖炁陶浴
客塵金簡疏恩辭寥涼而升神北府玉書耀
景登快樂而鍊質南丹廓六洞於春臺朗三
途於壽域謹依科法宿啓以聞恩惟

太上三尊十方衆聖俯垂鑒映省覽所陳敕
勒靈寶官僚土地主執虛空鑒察應感真靈
同寅叶恭掃秋氛於內外傳誠達信翼和氣

於幽明扶翊靈壇周圓善果今臣等三關昭
暢五體宣融澄身心口以通玄虛无密契混
精炁神而凝景寥廓潛孚帝玄澤以周流觀
丹墀而獨對明晨行連續更啓聞

發願

一願乾坤明素二願炁象清玄三願聖人萬
壽四願化洽八埏五願天垂甘露六願地發
祥煙七願四時應候八願萬物生全九願家
多孝悌十願國富才賢十一願齊功廣被十
二願善瑞日臻

存神燒香

香官使者左右龍虎君侍香諸靈官當今臣
宿啓建齋之所自然生金液丹碧芝英百靈
衆真交會在此香火爐前然願臣學道得道
求仙得仙齋主受福幽顯沾恩十方仙童玉
女接侍蘭煙臣向來所啓之誠速達徑御
太上无極大道至真昊天玉皇上帝御前

出堂頌

回靜默

謝師

靈寶領教濟度金書卷之一百八

靈寶領教濟度金書卷之一百九一百十一同卷坐六
洞微高士開光救苦真人寧金真授
靈寶通玄弘教水南先生林靈真編

科儀立成品遷拔道場用

早朝行道儀

燒香頌

各禮師存念如法

衛靈呪

青陽虛映耀日回靈神虎辟邪飛天流鈴
推轂滅試萬魔束形九微回道八威攝精
千真校錄三元蕩清左囃中黃右策六丁
七轉八合周旋天經聖化巍巍三道順行
慶雲流布合景黃庭和與道合真

鳴法鼓二十四通

發爐

无上三天玄元始三炁大上道君召出臣等
身中三五功曹左右官使者侍香金童傳言
散花玉女五帝直符直日香官各三十二人
出入者嚴裝闢啓玄壇天帝神君當召此間
土地里域真官正神急上闕啓臣今奉為春

